

Dujva Minzcuz Miz Dungxcaiz Doxceng Hai

民族才艺之花竞相绽放

——Bi 2016 Guengjsae Cungh Siuj Hagseng Minzcuz Doxgiet Yienjgangj Doxdax Youq Namzningz Banh

□ bonjbauq gicej Cau Dwzfeih/赵德飞



◀ Fat ciengj yizsi yienhciegz.

▲ Sunh Gozyouj youq aen gaihmusiz gangjvah.

11 nyied 12 daengz 13 hauh, bi 2016 Guengjsae cungh siuj hagseng minzcuz doxgiet yienjgangj doxdax youq Namzningz banh. Doxdax faen baenz siujyoz cuj, cuhcungh cuj, gauhcungh cuj sam aen cuj guh, 126 boub senjsouj daj daengx gih gak si, yienh(gih) daeuj haenx camgya baez doxdax neix.

Youq aen gaihmusiz, Swcigih Gyauyuzdingh fudinghciegz Sunh Gozyouj cuhkoh baez doxdax neix ndaej swnhleih haiguh. De naeuz, minzcuz doxgiet dwg diuz sienq sengmingh gak cuz yinzminz, dwg gij giekdaej ginghci hwngfat caeuq sevei cinbu. Hagdangz minzcuz gyauyuz dwg gij giekdaej minzcuz doxgiet, boubcoz nyzrauh dwg gij daengzcog guekcoj, gij maqmuengh minzcuz, dwg boubciepban yiengh seveicujyi miz Cungguk daegsaek. Itloh gvaq-daeuj, gih raeuz gak gaep gak loih hagdangz gig yawjnaek hong minzcuz doxgiet gyauyuz, dawz minzcuz doxgiet gyauyuz yungzhaeuj hong hagdangz gyauyuz bae, doenggvaq dangzgoq sonhag saedhengz daejniemh, minzcuz vwnzva gyauyuz daengj lai cungj fuengsik, coicaenh gih raeuz minzcuz

gyauyuz hwngfat, doiq gak minzcuz doengzcae doxgiet miz yiui youq-gaenj.

Yienjgangj doxdax yienhciegz, gyoengq senjsouj boubboub mbouj vueng mbouj muengz, saenqsim rim-fwdfwd, yungh Vahbujdungh raeuz-rwd haenx gangj gij gojgaeq mizgven minzcuz doxgiet fatseng youq henz-gyawj shwgeij roxaeuz gij gojgaeq densi meizdij bauqlwnh gvendaengz minzcuz doxgiet haenx, gangj daengz dieg dawzyinx, ndaej daengz yienh-ciegz bouxyawj bekwngz haenhndei.

Caijfangj seiz, Gveilinz Si Cauz-denz Yangh Cungsime Siujyoz boub-senjsouj iq Yauzcuz Leiz Vanhli doiq gicej naeuz: "Camgya baez yienjgangj doxdax neix, hawj gou rox daengz guek raeuz dwg aen guekgya lai aen minzcuz doengjit he, ndawde miz Gun, Cuengh, Myauz, Yauz daengj minzcuz; doenggvaq doxdax, hawj gou engqgya roxyiuj gak minzcuz, hawj gou roxyiuj gak minzcuz wnggai doxgiet doxbang, doengzcae haenq-guh, aeu guekcoj raeuz hwnjguh ndaej engq ndei bae."

Baez doxdax neix cawjdaez dwg "minzcuz doxgiet", muzdiz dwg

doenggvaq haiguh yienjgangj doxdax, doidoengh hagdangz minzcuz doxgiet gyauyuz guh ndaej laeg guh ndaej gvangqlangh bae, dawz cehfaen minzcuz doxgiet, gyaec Cunghvaz raeuz vanq haeuj ndaw sim moix boub lwgnyez bae, laeb maenh gij siengjngeix "Bouxgun liz mbouj hai siujsoq minzcuz, siujsoq minzcuz liz mbouj hai Bouxgun, gak siujsoq minzcuz doxliz mbouj ndaej", dem-giengz gij yizis "guekcoj nyinh-doengz, Cunghvaz minzcuz nyinh-doengz, Cunghvaz vwnzva nyinh-doengz, Cunghgoz Gungcanjdangj nyinhdoengz, diuz roen seveicujyi miz daegsaek Cungguk nyinhdoengz", demgiengz minzcuz miznaj caeuq rengzgiatcomz, gungganq vunzmoq seizdaih miz dwz ci dij mej lauz cienzmienh hwngfat haenx.

Ginggvaq bingzveij cuj yienh-ciegz bingz faensoq, doeklaeng gak cuj bingzok itdaengjciegj gak 6 boub, ngeihdaengjciegj gak 12 boub, samdaengjciegj gak 14 boub. Linghvaih, baez yienjgangj doxdax neix lij miz ciengj boub lauxsae sonyinx dem, lauxsae sonyinx daj boub senjsouj ndaej ciengj haenx senj okdaeuq.



▲ Swcigih Gyauyuz dingh fusinziyenz Luz Yen fat ciengj hawj boub ndaej ciengj.



▲ Gicej caijfangj boub senjsouj iq.



▲ Senjsouj mbouj vueng mbouj muengz youq gwnz daiz yienjgangj.



▲ Boub senjsouj neix gangj ndaej gig yinx.



▲ Boub senjsouj neix dwefvaz dahraix.



▲ Gyoengq bingzveij nvinkcaen dwk faensoo.